

Ntaub Ntawv Hloov Tshiab Rau Kev Taug Qab Rau Cov Neeg Ntawm Milwaukee Health Department

MILWAUKEE – Milwaukee Health Department mob siab thiab nrhiav kev pab kom ntau ntxiv los taug qab rau cov neeg muaj mob rau lub sij hawm muaj kev sib kis kab mob COVID-19. Kev taug qab rau cov neeg muaj mob yog ib lub luag hauj lwm tseem ceeb uas yuav tiv thaiv kom tsis txbob sib kis kab mob, qhia rau cov neeg uas tej zaum lawv tau nyob ze nrog ib tus neeg muaj tus kab mob COVID-19 es lawv thiaj paub cais lawv tus kheej tawm ntawm lwm cov neeg.

Nyob rau lub sij hawm tam sim no pom hais tias cov neeg kuaj tau hais tias muaj mob COVID-19 nce tau heev lawm, Milwaukee Health Department xav thov cov neeg kuaj tau hais tias muaj tus kab mob kom nrog qhia rau cov neeg nws tau nrog ua ke paub hais tias nws muaj tus kab mob thiab ho qhia rau cov neeg taug qab paub hais tias nws tau mus ntsib neeg qhov twg lawm thiab es thiaj li taug tau qab. Cov neeg kuaj tau hais tias muaj mob, yog hais tias ua tau, yuav tau qhia rau cov neeg nyob ze lawv kom paub hais tias lawv muaj mob lawm.

“Qhov zoo tshaj plaws txog kev qhia txog tus mob yog qhia ncaj qha, sai dua, thiab qhia kom paub ceev faj. Cov neeg kuaj tau hais tias muaj mob COVID-19 – cov neeg uas tsis muaj tus tso mob los yog muaj tus tso mob me ntsis los yog mob tseem tsawv – yuav pab tau yog hais tias qhia rau cov neeg nyob ze lawv,” Tus Thawj Coj Acting Health Commissioner Marlaina Jackson hais. “Lub sij hawm tus mob nce siab tuaj, peb yuav tau ua hauj lwm kom sai qhia rau neeg paub. Qhov zoo tshaj plaws ces yog txhawb kom ib tug rov qab qhia rau ib tug es cov neeg thiaj li hnob cov xov xwm sai thiab txhua.”

Qhov nyob ze txhais tau tias ib tug neeg tau nyob nrog ib tug neeg muaj tus mob lawm. Xws li tau tuav tes los yog sib puag. Neeg tau nyob sib ze kuj zoo xws li lawv nyob ua ke hauv ib lub tsev los yog tau pw rau hauv ib lub tsev uas muaj ib tug neeg muaj mob. Yog hais tias ib tug neeg tau nyob ze 6 feet ntawm ib tug neeg muaj mob ntev li 15 feeb nyob hauv 24 teev yuav txhais tau hais tias lawv tau nyob sib ze lawm.

Cov neeg muaj mob COVID-19 yuav tsum paub hais tias lawv yeej muaj peev xwm kis tau tus mob COVID-19 rau lwm tus neeg 2 hnuv ua ntej tus tsos mob tshwm. Yog hais tias tus tsos mob tsis tau tshwm, tus neeg kuaj tau hais tias muaj mob yeej muaj peev xem kis tau tus mob COVID-19 rau lwm tus neeg tsawg kawg 2 hnuv ua ntej kuaj tau hais tias muaj mob COVID-19.

CDC thiab Wisconsin Department of Health Services pom zoo hais tias cov neeg tau nyob ze ib tug neeg muaj mob yuav tau nyob hauv lawv lub tsev mus 14 hnuv, pib txij hnuv kawg ntawm hnuv lawv tau nrog tus neeg muaj mob nyob. Qhov nod yuav tsum tau ua txawm hais tias tus neeg ntawd tsis muaj mob nyob rau lub sij hawm lawv cais nyob lawv ib leeg kheej rau qhov tej zaum lawv tus tsos mob mam tshwm nyob rau hauv 2 mus rau 14 hnuv tom qab tau nyob ze ib tug neeg muaj mob.

Tej zaum tej cov neeg kuaj tau hais tias muaj mob yuav tsis kam qhia hais tias lawv tau nyob ze nrog ib tug neeg muaj mob COVID-19. Muaj ib txoj kev yuav ceeb toom rau cov neeg nyob ze koj paub uas tsis tas qhia txog koj tus kheej, yog siv lub website no “Tell Your Contacts” ntawm <https://tellyourcontacts.org>. Muaj kev qhia ntxiv txog qhov yuav qhia rau neeg paub nyob ntawm <https://www.dhs.wisconsin.gov/publications/p02803.pdf>. Milwaukee Health Department muaj 186 tus neeg nyob rau hauv lawv pab neeg ua hauj lwm taug qab cov neeg muaj mob thiab tseem yuav nrhiav neeg ua hauj lwm ntxiv. Vim hais tias muaj neeg mob coob, lub chaw ua hauj lwm tau hloov kev ua hauj lwm uas yog xub los tiv tauj cov neeg kuaj tau hais tias muaj mob COVID-19 ua ntej nyob rau lub sij hawm muaj neeg mob coob.

###